



(khas bagi Majalah Qalam - tidak dibenarkan dikutip)

Sembahyang A'dah di Masjid Sultan

Ahmad Bin Muhammad Hasyim Geylang, Singapura bertanya:

Tatkala Kiyai Haji Anwar Musaddad menjadi khatib dan menjadi imam Jumaat di Masjid Sultan baharu-baharu ini setelah solat Jumaat bilal terus qāmat untuk mengadakan sembahyang a'dah sedang kemudian yang menjadi imamnya orang lain.

Apakah kiyai itu sependapatan dengan orang-orang yang membilangkan bida'ah a'dah itu atau bagaimana? Bolehkah tuan memberi keterangan dalam perkara ini?

Jawab: Sebenarnya Musaddad sembahyang Jumaat di Masjid Sultan

Kiyai Hāji Anwar Musaddad tidak bangkit sebagai imam sembahyang a'dah yang telah dilazimkan di masjid itu dengan alasan kerana berbilang masjid di situ. Kita tidak mengetahui tentang pendirian Kiyai Haji Anwar Musaddad dan sebab-sebabnya ia tidak mahu jadi imam tetapi adalah umum diketahui bahawa sembahyang a'dah itu tidak dilakukan oleh Imam Shāfi'ī ataupun ada nas-nasnya yang membolehkan sebagaimana yang pernah dilakukan oleh Rasulullah (SAW) ataupun sahabat-sahabatnya.

Kita sendiri tidak mengetahui dengan alasan apa mereka mengadakan sembahyang itu dan molek benar kiranya Cik Kadi Singapura member penjelasan untuk kita di dalam perkara ini supaya jangan orang-orang terbawa-bawa membuat sesuatu yang bida'ah di dalam beribadat kepada Tuhan.

* * *

Peringatan:

Pertanyaan-pertanyaan yang tidak disertakan tanda tangan dan alamatnya yang terang tidak diraikan. Juga pertanyaan-pertanyaan yang mengenai di sekeliling hal ehwal masyarakat kita itulah yang diutamakan daripada soal yang sulit-sulit dan jarang berlaku oleh kerana ruangan ini adalah bergunajuga untuk panduan pembaca-pembaca.

Menyatukan Sembahyang

Qāsim Zayn-Kampung Melayu, Kuala Lumpur bertanya:

Di dalam pekerjaan-pekerjaan yang sangat-sangat sibuk kerap kali saya terlalai hendak menunaikan sembahyang Zuhur dan kerana itu maka selalu Zuhur saya tertinggal kerana saya orang awam maka saya mendengar ada suatu pendapat mengatakan bahawa sembahyang yang tertinggal itu tidak boleh qada'-jadi bagaimanakah hal saya dengan sembahyang Zuhur yang tertinggal itu? Bolehkah saya sekali-kali menyatukannya dengan asar-dijama'kan sahaja? Harap tuan tolong berikan jawapan.

Jawabnya: Jika tuan sibuk sangat di dalam usaha-usaha tuan maka hendaklah tuan niatkan supaya sembahyang zohor tuan itu dijama'kan kepada asar sahaja diriwayatkan (maksudnya): Ibnu 'Abbās berkata bahawa Nabi (SAW) telah pernah sembahyang di Madinah tujuh (rakaat dan delapan (rakaat) iaitu Zuhur dan Asar Maghrib dan Isyak (hadis sahih riwayat Bukhārī dan Muslim).

Diriwayatkan lagi (maksudnya): Bahawa Nabi (SAW) pernah sembahyang jama' di antara Zuhur dan Asar dan di antara Maghrib dan Isyak di Madinah bukan kerana ada peperangan dan tidak ada hujan. Ada orang bertanya kepada Ibnu 'Abbās: Apa maksud Rasulullah berbuat begitu? Jawabnya: "Maksud Rasulullah tidak hendak memberatkan umanya. (Hadis sahih riwayat Muslim)

Diriwayatkan pula (maksudnya): Ibn Mas'ūd telah berkata bahawa Rasulullah (SAW) pernah sembahyang jama'

antara Zuhur dan Asar dan antara Maghrib dan Isyak maka ada orang bertanya dari hal itu kepada Rasulullah sabdanya: “Aku berbuat begitu supaya tidak jadi sampai atas umatku”. (Hadis riwayat al-Tabrānī)

Daripada tiga keterangan yang tersebut di atas ini zahir bahawa Rasulullah (SAW) ada pernah sembahyang jama‘ antara Zuhur dengan Asar dan di antara Maghrib dengan Isyak di dalam negeri, tidak hanya di dalam pelayaran atau peperangan tetapi yang demikian adalah bermakna bahawa tidak dikerjakan selalu. Oleh itu kita boleh berbuat juga demikian tetapi tidak selalu. Yang lebih baik jika tidak keadaan sangat-sangat memaksa, jangan kita buat begitu kalau tidak kerana sesuatu uzur yang bersangkatan kerana Rasulullah (SAW) dikatakan bersabda (maksudnya): Barangsiapa menjamakkan di antara dua sembahyang dengan tidak ada halangan apa-apa maka sesungguhnya ia telah datang ke satu pintu daripada beberapa pintu dosa besar. (Hadis riwayat al-Tirmidhī)

Hadis ini riwayatnya lemah dan digunakan di sini hanya sebagai pembatas hadis yang meluaskan sembahyang jama‘ itu sahaja.

* * *

Menjual Makanan Bulan Puasa

Muhammad Yūnus Muhammad Shāh, Nyalas, Temangan, Kelantan bertanya:

Apakah hukumnya seorang Muslim (orang Islam) menjual makanan seumpama nasi dan lain-lainnya kepada lain bangsa yang bukan Islam pada siang hari pada bulan puasa?

Jawab: Menjual makanan yang sedemikian kepada orang kafir pada masa itu tidak ditegah apa-apa. Di dalam masa bulan puasa itu ada orang-orang yang diwajibkan puasa dan ada pula yang lainnya yang tidak diwajibkan puasa seperti:

Kanak-kanak, perempuan haid atau nifas (wajib qadā’), orang sakit (wajib qadā’), orang di dalam pelayaran

(wajib qadā’) perempuan hamil atau menyusui anak (wajib fidyah-tidak wajib qadā’) dan orang yang telah tua tak kuat puasa atau orang yang bekerja berat yang tak puasa (wajib bayar fidyah).

Dengan sebab itu tidaklah ada larangan bagi menjual makanan kepada mereka tetapi berhubung dengan syiar Islam masa ini tidak sebegitu bergemilang maka adalah sangat-sangat molek bagi orang-orang Islam jangan menjual makanan pada siang hari di dalam bulan puasa itu dan jika jualannya itu dimakan oleh orang-orang Islam yang tidak uzur maka adalah ia jatuh bersyubhah kepada orang-orang yang menjalankan maksiat.

* * *

Hāji Aḥmad Bin Hāji Sālim, Kampung Birang, Tanjung Malim bertanya: Adakah dapat kemaafan dosa seseorang kepada seorang yang telah mati iaitu pada mayatnya semasa mayat itu di rumah ataupun setelah dikuburkan-adakah ia terlepas dari dosanya?

Jawab: Kesalahan atau hutang piutang di antara seorang dengan seorang itu yakni yang mengenai diri dengan seseorang itu adalah hak masing-masing.

Umpamanya Zaid telah membuat aniaya kepada diri Haris dan tidak lama antaranya Zaid meninggal kemudian kerana keinsafannya sebagai manusia menyebut bahawa ia mengampunkan kesalahan yang telah dilakukan Haris kepadanya bagi dunia dan akhiratnya maka dengan demikian tanggungan Zaid kepadanya kelak akan terlepas tetapi jika dosa yang dilakukan oleh Haris mengenai hal-hal Tuhannya maka Tuhan jua yang akan mengampunkannya-bukan manusia. Sedang berkenaan dengan hutang adalah wajib bagi warisnya membayar hutang-hutang kepada yang berkenaan jika ada hartanya dan jika dimaafkan tidaklah menjadi tanggungan waris lagi dalam hal ini boleh berbuat bukannya yang mati tetapi yang tinggal, yakni yang telah mati jika sebelum matinya tidak memaafkan sesuatu kepada yang hidup maka yang demikian adalah menjadi tanggungan orang yang berdosa kepadanya.